



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 14. Caraffæ Cardinalis consilium se tanquam legatum in Franciam conferendi.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1556.

mas Florentiæ Dux Gallorum metu soluti nihil contra Pontificem moverent, sed etiam Senas, aliaque loca, quæ in Senensium ditione hoc bello occupare, restituerent, ut Pontificem placatum habeant, cum in confesso esset, nec dubitarent Hispani, quin in generosi, ac constantis Pontificis potestate situm sit, regnorum in Italia possessiones, ad quem velit, arbitrio suo transferre, & in quamcunque partem propendeat, maximum momentum habere.

§. XIV.

Caraffæ Cardinalis consilium se tanquam Legatum in Franciam conferendi.

Pallav. l. 13.
c. 16.
Thuan. l. 17.
§. 2.

Cum omnia hæc Caraffæ Cardinalis molimina in irritum caderent, ipse in Franciam proficisci sub honorificæ legationis obtentu constituit: at Turnonius Cardinalis nullum non movebat lapidem, ut illum ab hoc proposito absterret, quocirca eidem exponebat, quod Pontificis, atque adeo Regis negotia præsentiam ipsius exigent. Porro Turnonius hoc prætexebat, cum tanquam vir prudens, qui foedus illud, & negotium omne ut regno nocivum semper ab initio detestatus fuerat, pro innato in patriam amore vereretur, ne,
Caraffa

Caraffa inquieti animi homo res indu- Sæcul. XVI.
ciis compositas interturbaret, & favore A.C. 1556.
in aula sperato adjutus Franciæ Re-
gnum funesto bello implicaret.

Verum Caraffa Turnonii monitis
furdas præbebat aures, imo etiam a Pa-
pa Patruo suo, ut hanc Legationem obi-
re ipsi licitum foret, facile impetrabat,
potissimum eo nomine, quod nequidem
impetrare potuisset, ut Galliarum Rex
urbes, quas in Senensi ditione usurpa-
verat, Pontifici restitueret, cum tamen
Papæ Nepotes has urbes tradi eo ar-
dentius desiderarent, quo certius sibi
exinde Principum amicitiam non modo
conciliare, sed etiam illos ad expeten-
dum cum eis fœdus constringere valuif-
sent: Ea igitur ex caussa Pontifex hoc
anno die decima Aprilis Caraffam Car-
dinalem in Gallias Legatum decernit,
perinde ac si illum, ut inducias cum Cæ-
sare initas Henrico Regi gratularetur,
atque ad firmam pacem hortaretur, ab-
legaret: eodem tamen tempore Scipio-
nem Rebibam Motulanum Episcopum,
paulo ante Cardinalium collegio adscri-
ptum ad Cæsarem, ac Philippum Hi-
spaniæ Regem, qui ambo in Belgio mora-
bantur, eo fine mittebat, ut idem ob-
sequium eis deferret.